

Bosna i Hercegovina
Federacije Bosne i Hercegovine
Tuzlanski kanton
Općina Gračanica
OPĆINSKI NAČELNIK
Broj: 02-44-03526-02/14
Datum, 20.10.2014.godine

Na osnovu člana 4. Odluke o raspisivanju javnog konkursa i kriterijima za raspodjelu sredstava Federalnog fonda za pomoć nastradalim područjima, vlasnicima uništenih stambenih zgrada prirodnom nesreće broj 02-44-03526/14 od 20.10.2014.godine, a u vezi sa Odluke o utvrđivanju prioriteta u raspodjeli sredstava za izgradnju stambenih objekata na području Tuzlanskog kantona za potrebe porodica čiji su stambeni objekti uništeni usljed prirodne nesreće, broj: 02/1-14-21839/14 od 23.09. 2014. godine, Općinski načelnik, raspisuje

JAVNI KONKURS

1. Predmet javnog konkursa

Predmet ovog javnog konkursa je raspodjelu sredstva za pomoć u izgradnji uništenih stambenih objekata, koji su bili vlasnici stambenih objekata na području općine Gračanica (pravni ili faktički) u momentu proglašenja stanja prirodne nesreće odnosno na dan 05.05.2014. godine.

Sredstva je obezbijedio Federalni fond za pomoć nastradalim područjima od prirodne nesreće na teritoriji Federacije Bosne i Hercegovine, koji je dodijelio sredstva Tuzlanskom kantonu.

U skladu sa tačkm 2. Odluke o utvrđivanju kriterija, dodjeli i usmjeravanju sredstava nastradalim područjima Upravnog odbora Federalnog fonda za pomoć nastradalim područjima od prirodne nesreće i Odluke Vlade Tuzlanskog kantona o utvrđivanju prioriteta u raspodjeli sredstava za izgradnju stambenih objekata na području Tuzlanskog kantona za potrebe porodica čiji su stambeni objekti uništeni usljed prirodne nesreće (odluka broj: 01-14-10/14 od 04.09. 2014. godine i broj: 02/1-14-22839/14 od 23.09.2014. godine), raspoređena su po općinama Tuzlanskog kantona sredstva namijenjena za izgradnju stambenih objekata za porodice čiji su stambeni objekti UNIŠTENI usljed prirodne nesreće, tako da Općini Gračanica za ukupno 4 (četiri) korisnika dodijeljen iznos od 143.000,00 KM (slovima: sto četrdeset tri hiljade KM) pri čemu je pojedinačna vrijednost bespovratnih sredstava po jednom korisniku 35.700,00KM (slovima: trideset pet hiljada sedamstotina KM).

Na osnovu ovog Konkursa će se utvrditi rang lista koja će važiti i za sva buduća sredstva za ove namjene.

2. Korisnici sredstava, koji imaju pravo na podnošenje prijave

Korisnici sredstava po ovom javnom konkursu su vlasnici (pravni ili faktički) stambenih objekata koji su uništeni prirodnom nesrećom uzrokovanom obilnim kišnim padavinama od vremena proglašenja prirodne nesreće, odnosno dana 05.05.2014. godine.

3. Uslovi, koji podnosioci prijave moraju ispunjavati

Pravo na učešće po osnovu ovog javnog konkursa, imaju lica, koja ispunjavaju slijedeće uslove:

1. da su bili vlasnici stambenih objekata (pravni ili faktički) u momentu proglašenja stanja prirodne nesreće, odnosno na dan 05.05.2014. godine;
2. imali državljanstvo BIH i prijavljeno mjesto prebivališta na području općine Gračanica na dan 05.05.2014. godine
3. da je odlukom nadležne komisije za procjenu šteta utvrđeno, da je stambeni objekat iz tačke 1. ovog stava, uništen prirodnom nesrećom proglašenom na području općine Gračanica 05.05.2014. godine i da se ne može koristiti za stanovanje;

Pod stambenim objektom u smislu ove Odluke podrazumjeva se objekat namijenjen za stanovanje i koji je bio uništen prirodnom nesrećom i u kojem su u vrijeme proglašenja stanja prirodne nesreće pravni i faktički vlasnik objekta i članovi njegovog porodičnog domaćinstva, imali prijavljeno mjesto prebivališta.

Pravo na novčanu pomoć može ostvariti samo jedan član porodičnog domaćinstva vlasnika uništenog stambenog objekta iz predhodnog člana ove Odluke.

Ako objekat ima više suvlasnika i više domaćinstava, pravo na pomoć po odredbama ove Odluke može ostvariti samo jedan od suvlasnika uništenog stambenog objekta.

4. Popis dokumenata koje je potrebno priložiti uz prijavu

Dokumentacija, koja se prilaže kao dokaz o ispunjavanju uvjeta iz ovog Konkursa je slijedeća:

1. dokaz o državljanstvu (ovjereni foto-kopija lične karte ili uvjerenje o državljanstvu);
2. dokaz o vlasništvu (pravnom ili faktičkom) na uništenoj stambenoj zgradi na području općine Gračanica na dan proglašenja stanja prirodne nesreće (zk.izvod, izvod iz posjedovnog lista ili drugi dokument koji može poslužiti kao dokaz o vlasništvu);
3. kopija zapisnika Općinske komisije za procjenu šteta o pričinjenoj šteti u iznosu od 100% na stambenom objektu podnositelja zahtjeva, odnosno u kojem je navedeno da je objekat potpuno uništen;
4. ovjereni izjavu pod krivičnom i materijalnom odgovornošću da su podnositelj zahtjeva i punoljetni članovi porodičnog domaćinstva imali mjesto prebivališta u uništenom ili oštećenom stambenom objektu na dan 05.05.2014. godine ;
5. urbanistička saglasnost, građevinska i/ili upotrebna dozvola za objekte koji posjeduju navedenu dokumentaciju (fotokopija);
6. ovjereni kućna lista
7. uvjerenje o statusu nezaposlenosti za sve punoljetne članove domaćinstva, izdato od strane Službe za zapošljavanje;
8. uvjerenje JU Centar za socijalni rad (za korisnike stalne novčane pomoći i osobe u stanju socijalne potrebe)
9. uvjerenje Službe za boračko-invalidsku zaštitu i raseljene osobe ili Federalnog ministarstva za pitanja boraca i invalida odbrambeno-oslobodilačkog rata - Grupa za pitanja evidencija iz oblasti vojne obaveze Gračanica.
10. uredno popunjen zahtjev na prijavnim obrascu

Dokaz iz tačke 2., 3. i 8. predhodnog stava ovog člana, prvostepena komisija iz člana 6. ove Odluke će pribaviti po službenoj dužnosti, a ostale dokaze će dostaviti podnositelj prijave uz prijavu.

U slučaju sumnje o ispunjavanju uvjeta iz tačke 4. predhodnog stava ovog člana, od nadležnog organa uprave za vođenje evidencije o prebivalištu, provjerit će se izjava iz tačke 4. predhodnog stava ovog člana ili provjera izvršiti na drugi pogodan način.

5. Osnovni kriteriji odabira

Osnovni kriteriji odabira određeni su Odlukom o raspisivanju javnog konkursa i kriterijima za raspodjelu sredstava Federalnog fonda za pomoć nastradalim područjima, vlasnicima uništenih stambenih zgrada prirodnom nesrećom.

6. Kontrola

U svrhu provođenja kontrole namjenskog korištenja sredstava, davalac sredstava je ovlašćen izvršiti provjeru korišćenja odobrenih sredstava uvidom u originalnu dokumentaciju, te obilaskom korisnika sredstava. Korisnici kod kojih se prilikom kontrole utvrdi nenamjensko trošenje sredstava, bit će dužni vratiti dodijeljena sredstva u roku od 8 dana od dana zahtjeva davaoca sredstava.

7. Mjesto i rok za dostavu prijave na konkurs

Zainteresirani građani dužni su da prijavu na javni konkurs (na propisanom obrazcu) i traženu dokumentaciju dostave Komisiji za provođenje javnog konkursa za raspodjelu sredstava Federalnog fonda za pomoć nastradalim područjima, vlasnicima uništenih stambenih zgrada prirodnom nesrećom u roku od 8 dana od dana objavljivanja konkursa u Dnevnom listu „Oslobođenje “ na adresu:

OPĆINA GRAČANICA
KOMISIJA ZA PROVOĐENJE JAVNOG KONKURSA ZA RASPODJELU
SREDSTAVA FEDERALNOG FONDA ZA IZGRADNJU STAMBENIH ZGRADA ZA
POTREBE PORODICA ČIJI SU UNIŠTENI STAMBENI OBJEKTI IMA
Gračanica, ul. Mula Mustafe Bašeskije 1

Prijava na javni konkurs sa traženim ispravama dostavlja se u zatvorenoj koverti sa napomenom:
ZA KONKURSNU KOMISIJU - NE OTVARAJ!

8. Rok za donošenje odluke o odabiru korisnika za dodjelu novčane pomoći

Ovaj rok ne može biti duži od 15 dana od dana zatvaranja javnog konkursa.
Nepotpune i neblagovremene prijave neće se uzeti u razmatranje.

9. Za dodatne informacije možete se obratiti na telefon 035/700-859

Kontakt osoba:
Alma Buljubašić

OPĆINSKI NAČELNIK

Nusret Helić